



Dumanda de azes ai documënc sun l “monumënt naturel Zità di Sasc” ala Ripartizion Natura, Paesaje y Svilup dl rajon

La Zità di Sasc ie n monumënt naturel daujin al jëuf dl Sela y sota al Saslonch, caraterisà dala presënza de gran sasc de dolomit che cuer i präis verc. Chësc rajon fesc ora n contest paesajstich unich y straudiner, sëurapro mo rich de na flora particulera y delicata.

Ala fin dl 2022 à la sozietà Piz Sela Spa, che manejea n valgun mplanc portamont te chësc rajon, prejënta n proiet per slargé mé te doi posc la pista dai sci, che passa tres la Zità di Sasc, a na moda che possa passé i gran giac dala neif de al didancuei.

I lëures ie stai fai dl’ansciuda dl 2023, ma nia mé ti doi posc udui danora, ma sun na lungheza de 700 m, ruinan na pert de chësc giuel unich dla Dolomites. Per fé lerch ai giac dala nëif ie stai spachei y spustei defin plu sasc de dolomit, n plu nce desdru desvaliva plantes, tra chëstes ënghe vel zirm monumëntel; la pista ie stata slargeda dassën y valiveda ora per pité l passaje di schiadëures. La pista, che dant se adatova ala cuntreda y ala presënza di sasc y dla plantes y respetova l rajon, ie stata slargeda y destrata. Nsci iel unì dejdrù n toch de chësc beliscimo rajon dla Zita di Sasc.

D’utober dl 2023 à la sozietà Piz Sela Spa purva de remedië l dan che n à fat, damandan na autorisazion paesajstica postuma, che l’aministrazion provinziela à negà, pervia dl gran dan fat al paesaje. De cunseguënza a chësta negazion à la sozietà po prejënta n recurs gerarchich ala Jonta Provinziela.

Ntant ie passei doi ani y la Jonta Provinziela, scebën che la mëssesa respuënder tl tëm de 4 mënc (Art. 9, c.13 dla L.P. 17/1993), ne n’ à mò nia fat ora cie dezijion che ie da to. La à nciaria n profesionist espert de paesaje, per dé na minonga sun la validità dl recurs gerarchich.

La majera pert dl’asoziazions alpinistiches y de scunanza dl ambiënt y dl paesaje (Club Alpino Italiano Alto Adige, Club Alpino Italiano Sezione di Bolzano, Alpenverein Südtirol, Dachverband, Heimatpflegeverband Südtirol, Mountain Wilderness Italia Onlus, Nosc Cunfin, Lia per Natura y Usanzen) à fat dumanda de azes ai documënc che reverda la minonga dl espert nciaria dala Jonta Provinziela.

L’asoziazions ne n’ie nia bones de capi, che do doi ani y mez dal fat y dal dan che n à fat al monumënt naturel, ne n’ie la Jonta Provinziela mò nia ruveda cun na si dezijion. I facé ie tleres: l se trata de n gran dan a n paesaje tan delicat tla Dolomites y nchina sën ne n’ à la Jonta mò nia cundana chësc dan.

L'assoziaziuns, nsci sciche duta la zitadines y duc i zitadins, ulëssa che venie mëtü n droa l prinzip europeich "chiche mpazià paia" (Diretiva 2004/35/CE) sun la respunsabilità ambientela che reverda la prevenzion y l remedië dl dan ambientel. Y te chësc cajo se trata de recunëscer che l ie sta fat n dan paesajstich, che purtruep cumporta cunsequënzes, da pert de chiche à fat l dan sciche nce da pert de chiche ëssa messé cuntrolé i lëures fai dala Piz Sela Spa. Mplu ne n'iesun nia ntervenì per fermé l cantier, dan che i dans ne n'ie nia plu da remedië.

Damandon n mudamënt de ubietifs per fermé chësta maniera de fé, o miec business y svilup economich a dan dl ambient y dla cuntreda, elemënc che à fat cunescer l inuem dla Dolomites ora per l mont y che l farà ënghe tl daunì, a cundizion che ne i danejon nia, coche l ie bele unì fat tla Zità di Sasc.